

293254

筆記小說大觀

集



郎

清

潛

陳

紀

康

聞

棋著

下冊

進步書局校印

卷之五

五

五

五

五

五

五



五

五

五

五

郎潛紀聞卷十一

清 鄭陳康祺著

葛壯節公父子。繼世忠節。前卷紀之。頃讀先師徐柳泉先生文集。有書公年譜後一篇。尤為詳晰。公自號凌臺。分字二公子。長曰以簡。字小凌。季曰以敦。字小臺。公殉節後。宣宗震悼。始用一品例賞世職。復以文武二舉人分賜二公子。及歲。召見。並命入官。小凌官甘肅同知。小臺官湖北守備。二公子皆骨鯁有父風。小凌以不肯媚上官被劾。護陵念公忠烈。寢其奏。不行。小臺以安陸營守備擢都司。擊河南潰賊有功。文宗賞花翎。咸豐五年。與賊力戰。殉難隨州。上命以遊擊例優卹。即前卷所稱銀鎗小葛者也。先是山陰宗侍御稷辰。為公建專祠既成。請匾額。上書忠。蓋可風四字賜之。至是請附以敦祠中。上復俞允。國家軫念死事之臣。若斯其厚。凡為臣子者。所當觀感而奮發矣。又公自贊小影云。外貌桓桓。中心烈烈。智勇兼資。萬人敵。亦見先生書後。中先生蓋謂惟公實克踐其言云。

滿州氏族以八大家為最貴。一曰瓜爾佳氏。直義公費英東之後。一曰鈕祜祿氏。宏毅公額亦都之後。一曰舒穆祿氏。武勳王揚古利之後。一曰納喇氏。葉赫貝勒錦白

什之後。一曰棟鄂氏。溫順公何和哩之後。一曰馬佳氏。文襄公圖海之後。一曰伊爾根覺羅氏。敏壯公安費古之後。一曰輝發氏。文清公阿蘭泰之後。凡尚主選婚。以及賞賜功臣奴僕。皆以八族為最云。

句容宣侍御重光。直聲震朝野。嘗劾明珠。余國柱二相國。棄官去。不知所終。嘯亭雜錄。稱其隱甘肅漢龍山為道士。年九十餘。猶在。自稱繡髮真人。果有其事。可與金壇蔣修撰逃往四川峨眉山終老。畸人異迹。先後同傳已。

乾嘉承平之際。風雅鼎盛。士大夫文酒之暇。多嫻習畫理。法時帆祭酒式善。嘗作十六畫人歌。曰朱鶴。年野雲。曰湯貽汾。雨生。曰朱文。新滌齋。曰楊湛。思琴山。曰吳大。翼雲海。曰屠倬。琴塢。曰馬履。泰秋藥。曰顧純。南雅。曰盛惇。大甫山。曰孟覲。乙麗堂。曰姚元之。伯昂。曰李秉銓。鄉甫。東綬芸甫兄弟。曰陳鏞。綠晴。曰張問。陶船山。曰陳均。受笙。錄之以見一時藝苑之盛。其爵里著述。則近人文詩集中。咸有稱引。無俟贅述云。

中書君清瑞篤嗜書畫辨別真贋百不一失余嘗屬其編國朝畫師攷振拾未終而卒他日歸田終當為料理殘牘俾成完書也

純皇帝幸灤陽。有隨侍太監某。滋擾民間。時熱河巡檢張若瀛者。桐城相國文和公族子也。撫以善言。太監愈咆哮。若瀛乃呼役縛之。立加大杖。直督方敏慙公聞之。大

驚曰。張某瘋矣。亟上章劾奏。上察其情。謂侍臣曰。非太監恣行不法。若瀛安敢爾。其人殊有家風。朕甚嘉之。因特旨越七階。擢同知。而太監遣戍畿輔。民庶歡聲若雷。康熙敬按。純皇帝德嫺堯舜。此不過大度之一端。若張若瀛者。綏弱鋤疆。其膽識直出制府敏愨公上。百僚之底。乃有斯人。亦足傳也。

盛京 清甯宮藏 文皇帝時。糠燈。崇謨閣藏 高皇帝舊履。以牛皮為之。為護以綠皮雲頭。又有先朝所持拄杖。皆白木所成。制尤樸素。祖宗開創疆土。備極艱勞。是數物者。蓋公劉之鞞。韓客刀。非劉宋之葛燈繩拂也。

江右李恭毅公湖。屢任封圻。廉能軼眾。鎮撫粵東。值海盜充斥。公簡練將士。冒涉波濤。未踰年。擒盜至數千人。公但誅首惡。餘悉資遣之。曰。此亦吾民。何忍使撻白刃也。盜皆感泣。改行。時輿誦云。廣東真樂土。來了李巡撫。強盜肯回心。百姓不喫苦。

咸豐三年。戶部尚書孫文定公瑞珍。奏請捐納舉人。禮部侍郎陶樾。請仿康熙年間例。報捐生員。文生每名壹百兩。武生減半。四年。戶部侍郎羅文恪公惇衍奏稱。粵東大姓。往往聚族而居。積有公產。請令一姓捐銀至萬兩者。將該族子弟。每遇歲試。永遠取進文武學額各一名。侍郎何彤雲請開各省舉人進士。捐免停科之例。皆奉

旨斥駁。按其時髮捻交訐。儲胥浩繁。宵旰焦勞。大農仰屋。廷臣遂有此苟且目前之策。幸聖明獨斷。杜絕權宜。二百年取士之大經。不容市井販夫得操進退。凡屬明經孝秀之科。劄學提躬。宜如何稍自標異與。

咸豐元年。御史王茂蔭奏稱。殿試朝考。務重文義。嗣後請讀卷閱卷大臣。不論字體工拙。專取學識過人之卷進呈。欽定。批明刊發。使天下曉然於朝廷所重在文不在字。云云。又稱遴選恩貢歲貢。請令學政於當貢之年。就各廩生中。歷考優等最多者充貢。康祺按原奏凡五條。皆甚切要。不知禮部諸臣何所見而全行斥駁也。

道光二十三年。兩廣總督祁恭恪公頊。請於鄉會試策問五道。定為五門發題。曰博通史鑑。曰精熟韜鈴。曰製器通算。曰洞知陰陽占候。曰熟諳輿圖情形。經禮部議駁。康祺按是時海禁初開。恭恪此奏。可謂識微見遠。今當國諸公。求才太切。至欲狗屠馬販中儲邊材。使節之選。何如因時改制。仍與儒冠儒服者議天下事也。祁疏具在。願有心人物色而輝光之。

常熟汪太史繹。咸熙丁丑進士。未及廷對。以外艱歸。迨庚辰服闋。邵青門名聲

熟人也送之詩云。已看文彩振鸛鷺。重向青霄刷羽翰。往哲緒言吾解說。狀元原是

舊吳寬。汪果大魁天下。他卷曾記補殿試之鼎甲。謂為昔有今無。如太史者通籍四年。至使三百青袍。翕然退讓。尤僅遇也。

順治乙酉。豫王下江南。殘明諸臣咸致重幣。以虞山錢牧齋所獻為最薄。蓋自表其廉潔也。其所具柬帖。第一行細書太子太保禮部尚書翰林院學士臣錢謙益。尾亦如之。其貢品乃流金銀壺。法琅銀壺各一具。蟠龍玉杯。宋製玉盃。天鹿犀杯。葵花犀盃。芙蓉犀杯。法琅鼎盃各一進。法琅鶴盃。銀鑲鶴盃各一對。宣德宮扇。真金川扇。弋陽金扇。戈奇金扇。百子宮扇。真金杭扇各十柄。真金蘇扇四十柄。銀鑲象箸十雙。右見謙益鄉人柳南隨筆。以是為薄。則厚者可知。天生真人。混一區夏。銀潢貴戚。無非命世之英豪。果可以厚幣邀福與。王鐸以下諸人。何喪心病狂至於此極。

泉州李中丞馥。撫吾浙時。收書極富。一時善本。齊入曹倉。每冊皆有圖記。曰曾在李鹿山處。後緣事頌繫。羣書散逸。人以為印文之識。然亦達已。

本朝衣冠盛事。遠軼前代。然儒臣中尚無有兄弟大魁者。惟西班牙武科罕見紀載。其一家父子兄弟同登鼎甲。實不乏人。而江南泰州劉氏兄弟。皆由狀元起家。尤為榮。

遇兄名榮慶弟名國慶後皆官至總戎。

光緒四年湖南巡撫奏稱湘鄉縣胡氏兄弟五人皆耆壽健存其長朝瑜八十九歲次曰朝瑞八十七歲次曰朝琇八十五歲次曰朝璠八十三歲次曰朝環八十一歲

按常州吳氏昆弟三人長瑞豐年八十四次璠幼年八十二次太和平八十趙雲崧詹曝雜記稱為盛事今湘鄉之胡亦兄弟相去各二歲而同懷五人壽將九十尤為罕請

旨旌表按湘鄉為太傅曾文正公挺生之區咸同二朝由書生至方面偏裨

至專閫者附翼攀鱗多著勲伐文正公集中所謂以一邑之人才轉戰十七行省亘

古未有者也即以文正一家言之長文正重造吳楚為中興第一偉人次國潢用

團練功起家拜都轉三國華以同知殉難三河賜諡愍烈四為今山西巡撫威毅

伯國荃五貞幹原名國葆以道員力勦援賊積勞歿於雨花臺營次賜諡靖毅山

川靈淑即一門英傑亦應舒洩無餘矣乃復有胡氏兄弟邁壽龐祺軼五老於堯天

媿八士於周室不知是邑形勢若何雄厚魁傑鬱閼多年時至氣動為我聖清努

力一發也。

廣東韶州李繩武本窶人子以貿易起家晚年居然素封矣生平所值多九數蓋其父以四十九歲生繩武武十九學賈五十九歸老凡生九子九女九子納九婦九女

嫁九婿。無一續娶納妾者。光緒元年正月九日。其九十生日。子女婦婿外。有孫十九人。外孫男女二十九人。亦奇事已。見俞氏耳郵錄。錄之以紀人瑞。

康熙十七年。以四方多事。令童生每名納銀四兩。得入院試。秀才每名納銀一百二十兩。名曰餉生。經御史奏止。見華亭章有謨景船齋雜記。餉生二字頗新。康熙謂今捐納貢監。與正途明經恩廕入監無別。不如呼作餉生。殊為名稱其實也。王時縣考

童生提學奉功令納銀三兩二錢得入院試康熙間殆沿其制

國初莊廷鑑朱佑明私撰明史一案。名士伏法者二百二十一人。莊朱皆富人。卷端羅列諸名士。蓋欲借以自重。故老相傳。二百餘人中多半不與編纂之役。甚矣盛名之為累也。

國家懷柔百神。河神載在祀典。每遇防河濟運顯靈。經歷任河漕兩督。奏於常例外。頒賜藏香。復請錫封賜匾有差。夫禦災捍患。功德在民。固褒賞所必及也。惟近年河工久停。而漕船北行。沿河挽運督運諸員。神奇其說。幾乎以請封請匾為常。似非政體。攷黃大王事蹟。見池北偶談。其人國初尚在。至朱大王即河督朱之錫。栗大王即河督栗毓美。夫會典無異姓封王之例。稱謂亦恐不經。況諸臣所據為顯應。

者尤誕妄無稽乎。

按河神助順必先有水族現形河漕各督即迎之致祭其朱色者衆以謂之錫栗色者衆以謂之鰓美也

安得一深明

典禮之儒臣俾任秩宗釐正其失。

康熙七年六月十七日戌時山東地大震樓霞山震沂水陷穴廣數丈民間有井傾

仄不可汲樓臺南北易向者見蒲松齡聊齋誌異

按聊齋誌異災異有月日必不謬

崇明縣學兩廡先儒中湯文正公栗主時有疏闕蓋五通神為崇民間被崇之家輒將公栗主私自移請供奉則其崇自絕見俞氏耳郵錄按公撫吳時禁絕淫祀驅攘左道當時淫昏遁形或以海外為淵藪而數百年後精靈灝氣猶復赫赫如斯吁可敬也。

太祖朝插漢猶為明用。

按插漢即察哈爾國時有北察哈爾南察哈之分此所述林丹汗蓋北察蒙古裔也

其主林丹汗頗驕

倨致書

太祖自稱四十萬衆蒙古國主而稱我為水濱三萬國主

太祖不與校

嗣王師西徂卒就俘獲

太宗時與明議和莊烈帝欲我去大號不稱帝而稱汗

後知

太宗降心從之莊烈帝忽不可泥於龍虎將軍之稱欲仍以臣禮待我致和

局中梗明社為墟按其時插部偷生薊西其版圖財稅猛將謀臣豈足擬大朝之

萬一即論殘明時局亦已百戰百敗元氣日凋儻赫斯一怒早著戎衣勢必如摧枯拉

朽乃我。祖宗遵時養晦。猶不惜屈尊修好。用以廓保世滋大之規模。天與人歸。仁至義盡。我朝得統之正。成周以還。莫與匹配已。

太祖皇帝削平諸部。始於哈達輝發吳喇葉赫。所謂扈倫四國。即明人所稱南關北關者也。乃以次臣服諸蒙古。至太宗時。凡十六國。四十九貝勒。畢歸。然後收服朝鮮。而塞外莫不享王矣。此開國用兵之次第也。其蒙古十六國部落。分為四十九貝勒者。曰科爾沁。曰扎賴特。曰杜爾伯特。曰郭爾羅斯。曰教漢。曰奈曼。曰巴林。曰土默特。曰扎魯特。曰阿魯。曰翁牛特。曰車里克。曰喀喇沁。曰吳喇忒特。曰察喀爾。凡十五國。而其時以察喀爾故太子為諸貝勒冠。亦為一國。按天聰十年蒙古四十九貝勒勸進亦以察哈太子為之長分察喀為二。故號十六國也。見太宗實錄。

康熙癸未。海甯陳氏範廬宗伯邦彥。文勤相國世倌。同入翰林。時文簡公元龍。最承寵眷。廬唱曰。上臨朝舉手。謂文簡曰。大喜。汝家又添二翰林矣。同列以為至榮。國家定制。凡一產三男者。咸予賞賚。紀文達公主修續文獻通攷。於祥異攷中。變馬氏之例。削去此門。遵功令也。復於五種筆記中。詳列其說云。漢書五行志。以一產三男。列於人病。以為母氣過盛。故列之咎徵。然成周八士。四乳而生。聖人不以為妖。

異抑又何與。夫天地氤氲萬物化醇。非地之能自生也。男女構精萬物化生。非女之能自生也。使三男不夫而孕。謂之人病可矣。既為有父之子。則父氣亦盛可知。何獨以為陰盛陽衰乎。循是以推。則嘉禾專車異畝同穎。見於書序者。亦將謂地氣太盛乎。大抵洪範五行說多穿鑿。而此條之難通為尤甚。不得以源出伏生以傳為經也。康祺按一產三男之受賞。不始於皇朝。昔讀明英宗武宗實錄。雖一歲中紀載簡畧。而凡直省州縣。以此呈報者。無不備書。惟自聖朝嘉惠元元。一掃曲學之陋。纂入續文獻通攷。於是引據古義者。永獲遵循矣。

兄弟同科登進士者。屢見於漁洋菴塘之紀載。指不勝屈矣。莫盛於宜興儲氏。康熙辛丑會元儲大文。其弟郁文。雄文與之同榜。越五年丁未。方慶善慶。又以同胞兄弟同提南宮。洵稱佳話。

德清蔡氏叔姪相繼魁天下。

啟傳庚戌狀元升元士戌狀元

故升元紀

恩詩有

君恩獨被臣家

渥。十二年中兩狀元之句。制科盛事。咸以為寡二少雙矣。乃近時嘉定徐氏季和學士致祥。中咸豐庚申會元。而其胞叔頌閣學士。邨。越二年同治壬戌。狀元及第。常熟翁氏叔平侍郎同龢。咸豐丙辰一甲一名。越七年同治癸亥。其胞姪仲淵太史曾源。

亦一甲一名。兩家科第之盛。尤覺後來居上已。康祺按江浙鄰省。文風科目。往往相與比肩。常熟之翁氏。繼德清之蔡而起。嘉定之徐。則繼湖州之王而起者也。乾隆乙卯科會

元王以銓狀元王以銓同胞兄弟也以銓會試第二名

禮部有修明典禮釐正文風之責。故秩宗清要。非儒臣有宿望者。不得竽濫其間。本朝禮部漢堂官。不由科目者僅三人。一吳恭定紹詩。以諸生保舉。歷巡撫。晉大宗伯。一葉侍郎存仁。以監生洊升布政使司。內用晉少宗伯。一李大司馬世傑。以吏員出身。嘗為禮部侍郎。近六七十年。一尚書二侍郎。無不科甲中人矣。

雍正間。李衛田文鏡歷任督撫。素惡科目。田撫豫時。一疏劾科甲牧令數十人。適李穆堂制府過汴。相見。揖未畢。即厲聲曰。明公身任封疆。有心蹂躪讀書人何也。田不能堪。遂劾李。牽連入蔡珽案。擬辟。乾隆初。始奉特旨。滿雪出獄。佐戶部。按穆堂先

生再起後。復以多保鴻博鐫官。先生立朝剛鯁。其屢起屢躓。皆為維持國體。不獨憐才愛士之私心。雖蹭蹬終身。未竟其用。而至今百年論定。視田李二公何如也。

相傳田文鏡為豫督。平越王少司馬士俊。適令祥符。庭參日。田問出身。王攢眉噤嚅。故作羞愧狀。良久始對曰。士俊不肖。讀書出身。某科散館翰林也。田以為刺己。怒斥

之王知不免。回署即詳請免河南陂地稅。冀見忤放歸。田果疏劾。時楊中丞文乾方為布政使司。入謁曰。王某請免稅。邀譽耳。公不欲成孺子名。盍少緩。田諾之。未幾楊巡撫廣東。即保薦同往。以道府用。游升兩司。田卒代其任。以田文鏡之嚴苛明察。而王則面加訕誚。楊則誘以巽言。剛柔抑揚。若弄孺子。其才豈在文鏡下。宜同受世宗殊眷與。雖然。上官非文鏡之刻。屬吏非文乾士俊之才。獲上保身。終以忠信篤誠。不亢不卑為正理。

仁和趙大司空殿最。乾隆四年。以祀太廟慶成。燈不當。上意左遷。故事。內務府有營造。率資經費於工部。而府員冒濫支銷。以為習慣。工部莫敢誰何也。會重築郊壇。馳道。公庀材數工。核減府員所估之什九。而事集。內務府諸郎羣聚而謀。所以去之。故有是譴。見鮚埼亭集。仁和趙公神道碑。敬案本朝列聖躬行節儉。宮闈日用之數。視前代不過什二三。而內務府堂郎中。皆視為脂膏窟澤。相沿積習。幾無一洗手奉公之人。有心國計者。儻能奏請裁汰。內府冗員。凡宮中歲費。定為常經。按季由戶部承應。則亦慎重度支之一端也。

大司空仁和趙公。樸誠厚重。謝山偶語李臨川。比之漢丙吉。唐婁師德。宋杜衍。臨川

亦以為然。一日公偕九卿燕見侍坐。競談禪。世宗顧問公。汝亦能之否。對曰。臣未之學也。世宗笑曰。曷試之。即拈一語。公以儒言對。世宗顧謂諸臣曰。真鈍根也。雍正壬子。江南鄉試。得旨以安徽學政王公蘭生為正主考。前此未有也。按公畿輔一諸生。康熙朝以李安溪薦入直。內廷癸巳秋。賜舉人。同與會試。辛丑春。賜進士。同與殿試。世宗登極。授編修。主廣東試。督浙學。移節安徽。主江南試。移節陝西。以事左遷。需代。復特旨留公。俟期滿。游佐刑部。始卒於官。攷公一生。侍直禁近。編修祕書。鋒車四馳。與文字相終始。而兩朝恩遇之厚。亦自無與比肩。雍正某年元日。王殿撰雲錦早朝後。歸邸舍。約友人作葉子戲。已數局矣。忽失一葉。徧覓不獲。遂罷而飲。一日蒙召對。上問以元日何事。具以實告。上嘉其不欺。出袖中一葉還之。當時邏察之嚴如此。此康熙少時所習聞。以誕妄未敢登載。後閱趙雲松簷曝雜記。中有是條。謂聞之殿撰孫日杏者。當可取信。且亦可見世宗皇帝之整飭紀綱。陶育臣庶。固自寬嚴交劑。不徒恃聖明綜核之長也。表文達公充磨勘大臣時。某省士子用社稷鎮公子。眾以為應議。公心知非杜撰。而一時忘其出處。歸第問公子。對以句出國語。後於左傳檢得之。遂長跪受責。時公

子已官編修矣。公課子之嚴。待士之寬。一舉而兩善備焉。

磨勘之例。自乾隆己卯始嚴。時磨勘官宮太保煥文。閤侍御循琦。朱侍御丕烈。朱侍御稽。盡心細核。指摘較多。世以為魔王。蓋借魔作磨也。同治癸酉。梁京卿僧寶充小磨勘。爬剔極嚴。主司房考多獲譴。人亦呼梁曰魔王。至不安其位。乞病去。

乾隆庚辰順天鄉試。鄭儀部忬。蔡殿撰以臺。同校禮記房。所取多宿學。如顧奕松。馬曾魯。趙光照。陳彭齡。年皆六十上下。時人戲稱為四皓。

乾隆己卯北榜。任邱邊氏同宗獲雋者六人。士論以為罕有。按邊氏聚族河間。已數百載。阮宗南北。裴眷東西。其行輩幾不可復辨。己卯同捷六君。亦不皆則功房從之親。同治丁卯。康祺舉浙江鄉試。亡弟中書君清瑞。及同祖弟壽祚。同高祖弟賡年。守瀾。亦於是科同登秋賦。科名盛事。鄉里艷稱。白頭父老及見吾高曾者。猶誦述門風世德也。

澄懷園無恙時。二三儒臣倖直多暇。各就園中寓廬。移花種竹。疊石疏泉。隨意自命所居。題之戶冊。以誌雪泥鴻爪。亦佳話也。如食筍齋。黃勤敏公鉞手闢。樂泉西舫。則程春海侍郎恩澤所題。樂泉。蓋張文恪公泰開所鑿。張文毅公弔自營一室。曰鑿翠。

山房。戴文節公熙舊廬名曰矩室。皆見嘉道間人文詩集。此外逸文瑣記甚多。頗擬勒為一書。藉存掌故。蓋庚申以來。甘泉夕烽。名園茂草。談澄懷風景者。亦幾如圓嶠方壺。縹渺天半矣。

國朝謚法。惟由翰林授職之員。始得冠以文字。其官至大學士。則雖不由科目。亦得謚文。惟康熙六年。領侍衛內大臣一等公索尼。既未與金甌之下。亦不由玉署而來。予謚文忠。實為異數。近時周文忠公天爵亦非翰林漢臣得此尤僅見

陸平湖以御史贈閣學。

賜謚清獻。為小臣得謚之始。至馬忠勤公玠。以知縣贈布

政使參議。強忠烈公克捷。以知縣贈知府。劉忠節公欽鄰。以知縣贈太僕寺少卿。及楊延亮。以知縣謚昭節。方振聲。以縣丞謚義烈。俱照知府例卹。則皆出特恩。蓋我

聖朝崇獎死綏。不遺微末如此也。頃光緒初元。疆臣中有以府州縣官死節請謚者。朝廷偶俞其請。遂致臺垣部院援例乞恩。凡為其親故殉難。奏請予謚者。交章

累疏。兩月不休。兩宮知非體。特詔停止。而倖遷易名之曠典。已不可枚舉矣。

潘文恭公初入翰林。以歛硯求銘於紀文達公。為之銘。棱棱有骨。作作芒。取墨則利。穎亦傷。繫包孝肅。豈不剛。我思韓范富歐陽。按文恭少年渾涵端重。文達正當以風